

黃忠端小楷孝經

錢德培著



手寫
975



明
移 6
970
元





天
天



疾
正
富
富

疾
正
富
富

識于白震
人庫



孝經

明黃道周謹書



開宗明義章第一

仲尼居曾子侍子曰先王有至德要道以順
天下民用和睦上下無怨汝知之虞曾子辟
席曰參不敏何足以知之子曰夫孝德之本

也教之所繇生也復坐吾語女身體髮膚
受之父母不敢毀傷孝之始也立身行道揚
名于後世以顯父母孝之終也夫孝始于事
親中于事君终于立身大雅云無念爾祖聿
脩厥德

天子章第二

子曰愛親者不敢惡於人敬親者不敢慢於
人愛敬盡於事親而德教加於百姓刑于四
海蓋天子之孝也甫刑云一人有慶兆民賴之

諸侯章第三

在上不驕高而不危制節謹度滿而不溢
高而不危所以長守貴也滿而不溢所以

長守富也富貴不離其身然後能保其社
稷而和其人民蓋諸侯之孝也詩云戰戰兢兢
如臨深淵如履薄冰

鄉大夫章第四

非先王之法服不敢服非先王之法言不敢言
非先王之德行不敢行是故非法不言非道

不行口無擇言身無擇行言滿天下無口過
行滿天下無怨惡二者備矣然後能守其
宗廟蓋鄉大夫之孝也詩云夙夜匪解以

事一人

不敢道道字誤作言

士章第五

資於事父以事母而愛同資於事父以事君

而敬同故母取其愛而君取其敬兼之者父也故以孝事君則忠以敬事長則順忠順不失以事其上然後能保其祿位而守其祭祀蓋士之孝也詩云夙興夜寐無忝爾所生

庶人章第六

用天之道分地之利謹身節用以養父母此庶

人之孝也詩云我稼既同上入執宮功晝爾于茅宵爾索綯亟其乘屋其始播百穀故自天子至於庶人孝無終始而患不及者未之有也

舊本庶人章有引詩石臺本及今文皆無之建本文有只引四句者今從舊

三才章第七

曾子曰甚哉孝之大也子曰夫孝天之經也地之義也民之行也天地之經而民是則之則天之明因地之利以順天下是以其教不肅而成其政不嚴而治

先王見教之可以化民也是故先之以博愛而民莫遺其親敝之以德義而民興行身之以敬讓

而民不爭道之以禮樂而民和睦示之以好惡而

民知禁詩云赫赫師尹民具爾瞻

身以敬讓諸本誤作先

孝治章第八

子曰昔者剛王之以孝治天下也不敢遺小國之臣而况於公侯伯子男虜故得萬國之歡心以事其先王治國者不敢侮於鰥寡而况

於士民虐故得百姓之懽心以事其先君治家者不敢失於臣妾而况於妻子虐故得人之懽心以事其親

夫然故生則親安之祭則鬼享之是以天下和平灾害不生既亂不作古明王之以孝治天下也如此詩云有覺德行四國順之

古明王諸本誤作故

聖治章第九

曾子曰敢問聖人之德無以加於孝虐子曰天地之性人為貴人之行莫大於孝孝莫大於嚴父嚴父莫大於配天則周公其人也昔者周公郊祀后稷以配天宗祀文王於明堂以配上帝四海之內各以其職來祭夫聖人之德又何以

加於孝虐

石臺本四海上有是以兩字

故親生之膝下以養父母日嚴聖人因嚴以教
敬因親以教愛聖人之教不肅而成其政不
嚴而治其所因者本也

父子之道天性也君臣之義也父母生之續莫
大焉君親臨之厚莫重焉故不愛其親而愛

它人者謂之悖德不敬其親而敬它者謂之
悖禮以順則逆民無則焉不在於善而皆在
於凶德雖得之君子不貴也

君子言思可道行思可樂德義可尊作事可
法容止可觀進退可度以臨其民是以其民
畏而愛之則而象之故能成其德教而行其

政令詩云淑人君子其儀不忒

原本君子下有則不然三字

紀孝行章第十

子曰孝子之事親也居則致其敬養則致其樂病則致其憂喪則致其哀祭則致其嚴五者備矣然後能事親

事親者居上不驕為下不亂在醜不爭居上而驕則亡為下而亂則刑在醜而爭則兵三者不除雖日用三牲之養猶為不孝也

五刑章第十一

子曰五刑之屬三千而罪莫大於不孝要君者無上非聖人者無法非孝者無親此六亂之道也

廣要道章第十二

子曰教民親愛莫善於孝教民禮順莫善於悌移風易俗莫善於樂安上治民莫善於禮禮者敬而已矣故敬其父則子悅敬其尹兄則弟悅敬其君則臣悅敬一人而千萬人悅所敬者寡而悅者衆此之謂要道也

廣至德章第十三

子曰君子之教也非家至而日見之也教以孝所以敬天下之為人父者也教以弟所以敬天下之為人兄者也教以臣所以敬天下之為人君者也詩云豈弟君子民之父母非至德孰能順民如此者乎

諸本君子之教以孝也孰能順民如此其大者乎

廣揚名章第十四

子曰君子之事親孝故忠可移於君事兄悌故
順可移於長居家理故治可移於官是以行成
於內而名立於後世矣

諫諍章第十五

曾子曰若夫慈愛恭敬安親揚名則聞命

矣敢問子從父之令可謂孝乎子曰是何言
與是何言與昔者天子有爭臣七人雖無道
不失其天下諸侯有爭臣五人雖無道不失
其國大夫有爭臣三人雖無道不失其家士有
爭及則身不離於令名父有爭子則身不陷
於不義故當不義則爭之子不可以不爭於父

臣不可以不爭於君故當不義則爭之從父之令
又焉得為孝虐

應感章第十六

子曰昔者明王事父孝故事天明事母孝故事
地察長幼順故上下治天地明察神明彰矣故
雖天子必有尊也言有父也必有先也言有兄

也宗廟致敬不忘親也脩身慎行恐辱先也
宗廟致敬鬼神著矣孝悌之至通于神明光于
四海無所不通詩云自西自東自南自北無思
不服

事君章第七

子曰君子之事上也進思盡忠退思補過將

順其美匡救其惡故上下能相親也詩云心虔
夤矣遐不謂矣中心藏之何日忘之

喪親章第十六

子曰孝子之喪親也哭不偯禮無容言不文
服美不安聞樂不樂食旨不日此哀感之情
也三日而食教民無以死傷生毀不滅性此聖

人之政也喪不過三年示民有終也為之棺槨
衣衾而舉之敝其簋簠而哀感之擗踊哭泣
哀以送之卜其宅兆而安厝之為之宗廟以鬼
享之春秋祭祀以時思之生事愛敬死事哀
感生民之本盡矣死生之義備矣孝子之事
終也矣

右經十六章依古文舊本一千八百二十五字

漢儒褒重是經在春秋而下魯論而上東漢迂生
至欲鏤以滅菴誦以卻敵雖可恠歎亦見是經
之重也唐皇嘗命楷薛虞歐各書是經以
有存者稍傳播獨虞薛書諸大士淨名耳以
至聖簪筆禮斗之言不傳與諸外教并勒琬琰

諒日星之照垂非膏火所能紹矣境少時誦建

本經文庶人章皆有引颶風六句及觀唐石臺

本無之國學本亦有無者云晦翁刊定釋其文

義當以引詩為正又如身之以敬讓作先之以敬

讓之義重當及君子則不然教民以孝也與

順民如此其大者乎皆衍字隨俗不如舊本之

核矣此書以資敬作忠因嚴敬為篇中第一
大義其要緊者在明王聖人不敢毀傷天下
之人以傷天之心孝子忠臣不忍毀傷其身以
傷君親之心居平將順上下相親有道無名是
極好事大不已宣毀傷一身不忍毀傷天下
當時隱忍負慝引罪無開口處直至後世始

有憐其苦心白其行道者故夫子兩說揚名皆
在後世明臣子當時實無邀名之心君父當日
能脩身慎行聽其諫諍聚天下之權心以執
和平之福則名歸於君父君父之心亦安君父之
名亦顯矣故篇中仲尼說顯親曾子只說安
親曾子所云安親者蓋指聚順集權生安

祭享而言而不陷親於不義以保天下社稷之
備見於此凡人都說曾子省身臨深履薄者
引毅一章說出仁以為己任死而後已於此道
中如何擔承此書若無諫諍一篇便是樂字
春沈麟士王祥劉殷四族家訓也王祥身事
二姓桑葉榮顯不衰劉殷連姻胡羯一門三

二主要以慈愛恭順四字蓋其夙學播其
遺行故如聖人之言移孝作忠因嚴教敬雖
以享帝格廟無所不可即不然如曾子所稱慈
愛恭敬安親揚名亦哀世之惠人保家之全且
也然如曾子學力實有享帝格廟保全天下
萬世底意思

崇禎辛巳八月下浣黃道周再識于白雲庫

第二十八本



右石齋先生書孝經冊為朱詠齋同年所藏按崇禎辛巳先生方臣言事繫刑部獄故云白雲庫下跋中論諫諍章反覆數十言明臣子萬不得已之苦心隱然自寓未及王祥劉殷之弊則後曰殺身成仁見端於此蕤嘗論凡人一生所為皆素定於平日不獨諸葛武侯隆中之對范文正公先憂後樂之言為然今觀於先生益信曰借歸敬臨一通還之詠齋之所以寶此者當不僅以其翰墨之工也嘉慶二十二年歲在丁丑中秋日翰林院侍讀顏蕤謹書於宣武門內之思無邪室



余既將黃忠端公五月江漢送遠人圖嘯墨蹟付諸石印因憶光緒
壬午秋九月在金陵試院襄陽閣務公暇於市廛復得公所書古
文舊本孝經一冊大喜過望遂以重值購之及公崇禎十四年
以言事繫獄手書孝經百二十本以第二十八本蓋百二十之一也跋
中以資敬任忠因嚴友敬解義而於諫諍尤不忘焉益以
見公於憂危難之間有卓乎不可奪之志迨後沒容就死
大節凜然成仁就義固已寓乎居恒謂非捧持素袂乎書後
長跋他本不多稅見本文有與石臺及宋刻諸本稍異處
具詳篇末其第十八章孝子之事終也矣句與他本不同
合併誌之想淵雅君子必有以證證者

光緒十有六年庚寅閏二月上杭後學羅嘉杰謹藏并跋



